



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-510-7/25**
Datum: **02.02.2026. godine**

«Agencija za vodno područje rijeke Save» Sarajevo rješavajući po zahtjevu podnesenom od strane preduzeća „BH-GAS“ d.o.o. Sarajevo za izdavanje prethodne vodne saglasnosti za izgradnju magistralnog gasovoda DN500/75 na pravcu državna granica (RH-BiH) – Novi Travnik (južna interkonekcija BiH-RH), za izmjenu rješenja broj: UP-1/21-1-40-510-5/25 od 09.01.2026. godine u smislu izmjene rješenja, na osnovu člana 262. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E **o izmjeni rješenja o prethodnoj vodnoj saglasnosti**

1. Mijenja se rješenje ove Agencije broj: UP-1/21-1-40-510-5/25 od 09.01.2026. godine, u smislu izmjene tačke 3. dispozitiva rješenja, tako da

umjesto:

„Prethodna vodna saglasnost se odnosi na izgradnju objekata iznad ili u vodotoku I kategorije na trasi predmetnog gasovoda i ne oslobađa podnosioca zahtjeva obaveze pribavljanja prethodne vodne saglasnosti za aktivnosti definisane članom 17. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), za čije izdavanje su nadležna Kantonalna ministarstva.“,

treba da stoji:

"Prethodna vodna saglasnost se odnosi na izgradnju objekata iznad ili u vodotocima na trasi predmetnog gasovoda.

2. U obrazloženju rješenja

umjesto:

„Preduzeće „BH-GAS“ d.o.o. Sarajevo, dana 01.12.2025. godine obratilo se ovoj Agenciji sa zahtjevom za izdavanje prethodne vodne saglasnosti za izgradnju magistralnog gasovoda DN500/75(bar) na pravcu državna granica (RH-BIH) – Novi Travnik (južna interkonekcija BiH-HR). Duž predmetne dionice gasovoda evidentirano je jedno ukrštanje trase gasovoda sa vodotokom I kategorije, tj. na jednom lokalitetu se trasa ukršta sa rijekom Vrbas, a u postupku pribavljanja urbanističke saglasnosti i okolinske dozvole“,

treba da stoji:

„Preduzeće „BH-GAS“ d.o.o. Sarajevo, dana 01.12.2025. godine obratilo se ovoj Agenciji sa zahtjevom za izdavanje prethodne vodne saglasnosti za izgradnju magistralnog gasovoda DN500/75(bar) na pravcu državna granica (RH-BIH) – Novi Travnik (južna interkonekcija BiH-HR), a u postupku pribavljanja urbanističke saglasnosti i okolinske dozvole.

Duž predmetne dionice gasovoda evidentirano je jedno ukrštanje trase gasovoda sa vodotokom I kategorije, tj. na jednom lokalitetu se trasa ukršta sa rijekom Vrbas, te na više mjesta sa manjim vodotocima (stalni i povremeni potoci).

3. Ostale odredbe Rješenja broj: UP-1/21-1-40-510-5/25 od 09.01.2026. godine ostaju nepromijenjene.

O b r a z l o ž e n j e

Nakon što je uočena greška u rješenju o prethodnoj vodnoj saglasnosti broj: UP-1/21-1-40-510-5/25 od 09.01.2026. godine, po zahtjevu podnesenom od strane preduzeća „BH-GAS“

d.o.o. Sarajevo od 21.01.2026. godine Agencija je pristupila izmjeni u dispozitivu i
Obrazloženju Rješenja.

Uočena je greška, odnosno nije primjenjen materijalni zakon – Zakon o gasovodu „Južna interkonekcija Bosna i Hercegovina i Republika Hrvatska“ (Službene novine Federacije Bosne i Hercegovine“, broj 10/25), odnosno nije primjenjen člana 8. navedenog Zakona u kojem stoji da „Izuzetno od odredbi Zakona o vodama („Službene novine Federacije BiH“, broj 70/06) za izdavanje vodnih akata za izgradnju gasovoda Južna interkonekcija BiH i Republika Hrvatska nadležne su agencije za vodna područja svaka u okviru svog vodnog područja i neovisno o kategoriji površinskih voda.“

U skladu s odredbama člana 262. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), ispravka greške odnosno izmjena Rješenja proizvodi pravni učinak od dana od koga proizvodi pravni učinak rješenje koje se ispravlja i ovaj Zaključak čini sastavni dio tog Rješenja.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje i obzirom da su nastupili razlozi utvrđeni u članu 8. Zakon o gasovodu „Južna interkonekcija Bosna i Hercegovina i Republika Hrvatska“, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98, 48/99 i 61/22), ovo rješenje djeluje samo za ubuduće.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta: Aida Bezdrob, dipl.inž.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.

Dostaviti:

- „BH-GAS“ d.o.o. Sarajevo, Obala Kulina bana broj 8/III, 71000 Sarajevo
- ⊖ AVP Sava, ISV-vodna knjiga
- Sektor 40 – arhiva
- Oglasna ploča